

	Ime i prezime vijećnika:	DAMIR SARAČEVIĆ
3.	Tekst pitanja/inicijative	<p>Predlažem da Općina Stari Grad pokrene projekat izrade aplikacije "Moje drvo" preko koje bi građani imali mogućnost da uplate jedno ili više sadnica drveta, čime bi uzeli učešća o prijeko potrebnom ozelenjavanju naše lokalne zajednice. Građani bi plaćali cijenu sadnice, dok bi Općina učestvovala u troškovima pomoći pri sadnji, održavanju, ali i mapiranju pogodnih lokacija za nove sadnice. Slične aplikacije i projekti koji su se pokazali uspješni već postoje u mnogim gradovima u svijetu i regiji. Tražim izjašnjenje Općinskog vijeća Općine Stari Grad.</p>
	Obrazloženje pitanja/inicijative:	<p>Nepostojanje sistemskog ulaganja u obnovu šumskog fonda na višim nivoima, iskustvo agresije kada su mnoga drveta iskorištena kao ogrijev što je devastiralo zelenilo u i oko grada, povećana potreba za kiseonikom, hladom i zelenilom generalno usljed klimatskih promjena, razlog su povećane potrebe za ozelenjavanjem svih dijelova Starog Grada, kako u užem centru tako i na rubnim krajevima, koji se suočavaju i sa dodatnim problemom klizišta.</p>
	Odgovor:	<p>Sadnja drveća na javnoj površini predstavlja aktivnost u okviru uređenja i održavanja javnih zelenih površina što predstavlja komunalnu djelatnost zajedničke komunalne potrošnje koja je Zakonom o komunalnim djelatnostima ("Službene novine Kantona Sarajevo", broj 14/16, 43/16, 10/17, 19/17, 20/18 i 22/19) stavljena u nadležnost Kantona Sarajevo. Nadalje, uređivanje i održavanja javnih zelenih površina vrši se putem komunalnog preduzeća nadležnog za održavanje istih što je definisano Uredbom o uređivanju i održavanju zelenih i rekreativnih površina u Kantonu Sarajevo ("Službene novine Kantona Sarajevo", broj 22/16). Na području Kantona Sarajevo ove poslove vrši KJKP "PARK" d.o.o Sarajevo.</p> <p>U tom smislu, predmet Vaše inicijative ne spada u</p>

		nadležnosti Općine. Pored navedenog, građani bi se bespo- trebno izlagali troškovima, za određene aktivnosti i proce- dure koje su već regulisane pozitivnim propisima. Uzimajući u obzir sve naprijed navedeno Vaša inicijativa nije osnovana.
	Odgovor dala:	Služba za investicije i komunalne poslove

	Ime i prezime vijećnika:	DAMIR SARAČEVIĆ
4.	Tekst pitanja/inicijative	Pozivam nadležne službe da obnove drvene klupe pored Sebilja (oko velikog drveta), koje su već propale i u lošem stanju. Sarajevo i Stari Grad ponovo bilježe veliki broj turista i klupe oko Sebilja, u trenutno lošem stanju, predstavljaju nepotrebno ruglo na području Općine i turističkog centra. Hvala.
	Obrazloženje pitanja/inicijative:	-
	Odgovor:	Vezano za Vašu inicijativu, informišemo Vas da Služba za investicije i komunalne poslove svakodnevno poduzima aktivnosti i poslove u okvirima utvrđenih nadležnosti na području naše Općine pa tako i na predmetnom lokalitetu koji je u proteklom periodu u dva navrata saniran. Smatramo da navedena tvrdnja nije utemeljena i ne odgovara stvarnom stanju na terenu.
	Odgovor dala:	Služba za investicije i komunalne poslove

	Ime i prezime vijećnika:	DAMIR SARAČEVIĆ
5.	Tekst pitanja/inicijative	Predlažem da Općina Stari Grad na nekoliko lokacija instalira parkinge za bicikla, sa video nadzorom, u užem centru grada, u cilju što veće popularizacije korištenja bicikala, kao i olakšavanje upotrebe istog na području Starog Grada dosadašnjim korisnicima. Molim službe da predlože 3-5 lokacija, shodno imovinsko- pravnoj regulativi. Tražim izjašnjavanje Općinskog vijeća Starog Grada.
	Obrazloženje pitanja/inicijative:	U svjetlu sve skupljeg goriva, kao i aero zagađenja koje je u Sarajevu često na rekordnim nivoima, potrebno je stimulirati zdravije i jeftinije oblike prijevoza, kao što je biciklo. U cilju popularizacije upotrebe bicikala važno je imati infrastrukturu koja podržava ovaj vid prijevoza, kao što su biciklističke staze, signalizacija, sigurni parkinzi za bicikla, ali i subvencionirati nabavku bicikala u cilju što većeg broja korisnika i što manjeg zagađenja, gužve, ali i zdravijeg života. Sigurni parkinzi na području SG su jedna od potrebnih mjera u cilju popularizacije ovog vida prijevoza.
	Odgovor:	Općina Stari Grad Sarajevo je već doprinijela na način da je obezbijedila parkirališta za bicikle, a koja se nalaze na

	nekoliko lokacija, i to, iza Katedrale, preko puta Doma oružanih snaga BiH - kod autobusnog stajališta, preko puta Vijećnice, na Trgu Oslobođenja - Alija Izetbegović te na platou ispred zgrade Općine Stari Grad Sarajevo (dvije lokacije). Na već postojećim lokacijama, parkirališta za bicikla su pretežno neiskorištena/prazna, te u tom pravcu smatramo da predmetna vijećnička inicijativa za postavljanje novih parkirališta za bicikle nije opravdana.
Odgovor dala:	Služba za investicije i komunalne poslove

	Ime i prezime vijećnika:	DAMIR SARAČEVIĆ
6.	Tekst pitanja/inicijative	<p>Predlažem da Općina Stari Grad pokrene projekat (i kroz naredni rebalans budžetu iznađe sredstva) subvencioniranja nabavke novih bicikala i električnih skutera, u cilju omasovljavanja i popularizacije ovog, zdravijeg i jeftinijeg načina prijevoza. Smatram da će ovaj projekat koji će se pokazati uspješnim od Starog Grada preuzeti i Grad Sarajevo kao i Kanton. Prijedlog projekta subvencije je da se kupovina svakog novog bicikla građanima sa područja Starog Grada refundira sa 200 KM, a električnih skutera sa 300 KM. Predlažem pilot projekat, "probni" budžet za ovu namjenu u iznosu od 10.000,00 KM, koji se kasnije shodno raspoloživosti budžetskih sredstava i odaziva građana Starog Grada može i povećavati. Smatram ovaj trošak kao minorno ulaganje u zdravlje i boljitak građana i cjelokupne zajednice, čišći zrak i prijevoz kao alternativu velikim saobraćajnim gužvama, posebno u centru grada. Tražim izjašnjenje Općinskog Vijeća Starog Grada.</p>
	Obrazloženje pitanja/inicijative:	<p>Grad Podgorica prije izvjesnog vremena je pokrenuo projekat subvencioniranja nabavke bicikala i električnih skutera (100 eura za nabavku novog bicikla i 150 eura za nabavku električnog skutera) u cilju omasovljavanja upotrebe alternativnih vidova prijevoza. Projekat se pokazao kao izuzetno uspješan i veliki broj građana se okrenuo ovom vidu prijevoza i nabavilo svoje bicikle ili električne skutere uz relativno nizak trošak po budžet grada Podgorice. U svjetlu sve skupljeg goriva, kao i aero zagađenja koje je u Sarajevu često na rekordnim nivoima, potrebno je stimulirati zdravije i jeftinije oblike prijevoza, kao što je biciklo. U cilju popularizacije upotrebe bicikala važno je imati infrastrukturu koja podržava ovaj vid prijevoza, kao što su biciklističke staze, signalizacija, sigurni parkinzi za bicikla, ali i subvencionirati nabavku bicikala u cilju što većeg broja korisnika i što manjeg zagađenja, gužve, ali i zdravijeg života.</p>
	Odgovor:	Vezano za Vašu podnesenu inicijativu ovim putem Vas obavještavamo da na državnom nivou ne postoji pravna regulativa koja definiše sam pojam i upotrebu električnih

bish

		romobila i skutera, odnosno isto nije regulisano Zakonom o osnovama bezbjednosti saobraćaja na putevima u BiH ("Službeni glasnik BiH", broj 6/06, 75/06, 44/07, 84/09, 48/10, 18/13 i 8/17, 89/17 i 9/18). S tim u vezi, Općina Stari Grad Sarajevo, a sve dok se ne uspostavi pravna regulativa za predmetnu oblast i dok nadležno resorno ministarstvo iz oblasti saobraćaja ne dostavi konkretne upute, ne može da djeluje u pravcu razvoja saobraćanja električnim romobilima i skuterima. Napominjemo da Općina Stari Grad Sarajevo nema pogodnu i sigurnu infrastrukturu za bicikliste, prevashodno zbog konfiguracije terena te da je postojeća prilagođena prvobitno motornim vozilima i javnom gradskom prijevozu. Predmetna inicijativa se smatra neopravdanom i nerealnom.
	Odgovor dala:	Služba za investicije i komunalne poslove

7.	Ime i prezime vijećnika:	DAMIR SARAČEVIĆ
	Tekst pitanja/inicijative	Tabla sa nazivom ulice (Zelenih beretki) iznad Muzeja Sarajevo (Atentat - Gavrilo princip) je nečitka. Pozivam Službe shodno nadležnostima da upute zahtjev za obnovom navedene table ulice. Slika u prilogu. Hvala.
	Obrazloženje pitanja/inicijative:	
	Odgovor:	Velika table sa nazivom ulice (Zelenih beretki) na zgradi Muzeja Sarajevo (Atentat – Gavrilo princip) je čitka.
	Odgovor dala:	Služba za investicije i komunalne poslove

8.	Ime i prezime vijećnika:	DAMIR SARAČEVIĆ
	Tekst pitanja/inicijative	Molim da Općina obezbijedi nove klupe i kante za otpatke na Trebeviću, od žičare, uz šetnice i drugim mjestima na Trebeviću, na području Općine Stari Grad, na koja građani dolaze u velikom broju i koriste kao izletišta. Hvala. Molim Vijeće za izjašnjavanje.
	Obrazloženje pitanja/inicijative:	Sve je veći broj izletnika i posjetilaca na Trebević, a mali broj klupa i kanti za smeće. U cilju što ugodnijeg i ljepšeg boravka našim građanima/posjetiocima na Trebeviću, ali i zaštite okoline, bilo bi dobro da obezbijedimo veći broj klupa za sjedenje, kao i kanti za otpatke.
	Odgovor:	Vezano za Vašu inicijativu informišemo Vas da se predmetni lokalitet nalazi u obuhvatu zaštićenog pejzaža "Trebević" kojim upravlja i za koji je nadležna Kantonalna javna ustanova za zaštićena prirodna područja. Stoga, smatramo da brigu o nabavci parkovskog mobilijara (klupe i kante) treba

		da vodi nadležna institucija, ili pak Grad Sarajevo putem svog javnog preduzeća koji ostvaruje značajne prihode od "Trebevičke žičare". Vaša inicijativa je prosljeđena Kantonalnoj javnoj ustanovi za zaštićena prirodna područja, akt broj: 13/1-19-12-1497/22.
	Odgovor dala:	Služba za investicije i komunalne poslove

VIJEĆNIČKA PITANJA I INICIJATIVE


Postavljena na 17. sjednici Općinskog vijeća Stari Grad Sarajevo

1.	Ime i prezime vijećnika:	Damir Saračević
	Tekst pitanja/inicijative	<p>Pitanje: Dokle se stiglo sa izradom pravilnika o dodjeli pomoći iz budžeta Stari Grad za bolesnu djecu? Da li je potrebna neka pomoć, radna grupa ili dodatne informacije? Bilo bi bitno da čim prije imamo ovaj pravilnik u upotrebi. Stojim na raspolaganju za bilo kakvu eventualno potrebnu pomoć u izradi, doradi ili prijegledu prijedloga pravilnika.</p> <p>Hvala</p>
	Obrazloženje pitanja/inicijative:	
	Odgovor:	<p>Vežano za Vaše pitanje, obavještavamo Vas da je Služba za boračko-invalidsku i socijalnu zaštitu Općine Stari Grad Sarajevo izradila Pravilnik o dodjeli novčane pomoći djeci sa hroničnim oboljenjima i djeci sa poteškoćama u razvoju, koji će u formi prijedloga biti uvršten na dnevni red 18. redovne sjednice Općinskog vijeća.</p> <p>Obzirom da su za realizaciju prava iz navedenog Pravilnika, potrebna finansijska sredstva, ista su planirana Budžetom Općine Stari Grad Sarajevo.</p>
Odgovor dala:	Služba za boračko - invalidsku i socijalnu zaštitu	

Stručna obrada:

Služba za boračko - invalidsku i socijalnu zaštitu

Sarajevo, 10.10.2022. godine


POMOĆNIK NAČELNIKA**Elma Novalija**

VIJEĆNIČKA PITANJA I INICIJATIVE

Postavljena na 17. Redovnoj sjednici Općinskog vijeća Stari Grad Sarajevo

1.	Ime i prezime vijećnika:	Damir Saračević
	Tekst pitanja/inicijative	Pitanje: Kada će biti vraćen pred-pandemijski režim ulaska građana u zgradu i Službe Općine Stari Grad, kako bi im se olakšale svakodnevne obaveze u svojoj lokalnoj zajednici, a sve u skladu napuštanja restrikcija uzrokovanih COVID pandemijom?
	Obrazloženje pitanja/inicijative:	Već neko vrijeme COVID ograničenja u svijetu su ukinuta, pa tako i na onim najosjetljivijim mjestima, kao što su bolnice, aerodromi, granične službe i sl. Smatram da je bitno da građanima olakšamo i da vratimo pred-pandemijski način rada čim prije.
	Odgovor:	Odgovor na navedeno pitanje dostavljen je u materijalima za 17. Redovnu sjednicu Općinskog vijeća Stari Grad Sarajevo, dana 17.06.2022. godine.
	Odgovor dala:	Služba kabineta Općinskog načelnika

Stručna obrada: Služba kabineta Općinskog načelnika



13.09.2022. godine

VIJEĆNIČKA PITANJA I INICIJATIVE
postavljene na 17. sjednici Općinskog vijeća Stari Grad Sarajevo

	Ime i prezime vijećnika:	Damir Saračević
1.	Tekst pitanja/inicijative	<p>Pitanje: Shodno informaciji koju smo dobili na Vijeću, a koja se tiče skloništa (hvala na tome), imao sam jedan upit i sada ga samo dostavljam u pismenoj formi, shodno dogovoru i proceduri: U kakvom stanju su sva (atomska) skloništa na području općine SG, koliko ih je odmah upotrebljivo za svoju prvobitnu namjenu, koliko nije, i šta i kako treba uraditi (i koja su ulaganja potrebna) da bi bila u svojoj funkciji i u kojem vremenskom roku, u slučaju bilo kakve društveno-prirodne nepogode?</p> <p>Hvala</p>
	Obrazloženje pitanja/inicijative:	
	Odgovor:	<p>Članom 59. stav (2) i (3) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, broj: 39/03, 22/06 i 43/10) propisano je da vlasnici i korisnici skloništa moraju skloništa stalno održavati u ispravnom i funkcionalnom stanju, tako da uvijek odgovaraju namjeni sklanjanja ljudi i materijalnih dobara, te da u slučaju opasnosti, na zahtjev nadležnog štaba civilne zaštite, skloništa se moraju odmah staviti na raspolaganje za sklanjanje ljudi i materijalnih dobara, kojima su ta skloništa i namijenjena.</p> <p>Shodno naprijed navedenom, Općina Stari Grad Sarajevo vrši redovno održavanje skloništa u ispravnom i funkcionalnom stanju, te se ista u slučaju opasnosti mogu odmah koristiti, odnosno moraju staviti na raspolaganje za sklanjanje ljudi i materijalnih dobara. Ukupno je 7 (sedam) skloništa koja se u slučaju opasnosti mogu odmah koristiti.</p>
	Odgovor dala:	Služba civilne zaštite

Stručna obrada: Služba civilne zaštite

Sarajevo, 09.09.2022. godine

**PO OVLAŠTENJU OPĆINSKOG NAČELNIKA
POMOĆNICA NAČELNIKA**


Amna Hasić

VIJEĆNIČKA PITANJA I INICIJATIVE
Postavljene na 17. sjednici Općinskog vijeća Stari Grad Sarajevo

	Ime i prezime vijećnika:	Saračević Damir
	Tekst pitanja/inicijative	<p>Molim Vijeće da Zaključkom omogući, tj. i pravno „legalizuje“ upotrebu grba općine Stari Grad od strane sportista i klubova koji pomoć/sredstva za takmičenja i sportske aktivnosti dobijaju od strane Komisije za sport, općinskog načelnika ili općine Stari Grad generalno.</p> <p>Od strane sekretarke službe OV Komisija je informisana da je za korištenje grba općine potrebna saglasnost Vijeća, pa stoga molim Vijećnike da podrže ovaj zaključak kako bi i pravno bila omogućena upotreba grba općine u promotivno-sportske svrhe</p> <p>Tražim izjašnjenje OV SG.</p>
1.	Obrazloženje pitanja/inicijative:	<p>Naime, često pri dobijanju sredstava za takmičenja i sportske aktivnosti od strane općinske komisije za sport ili sredstava na raspolaganju općinskog načelnika, primaoci žele da na svom dresu, plakatu, sportskoj opremi i sl. stave i grb općine SG koju također predstavljaju. Od strane sekretarke službe OV Komisija je informisana da je za korištenje grba općine potrebna saglasnost Vijeća, pa stoga molim Vijećnike da podrže ovu odluku kako bi i pravno bila omogućena upotreba grba općine u promotivno-sportske svrhe. Komisija za sport je također usvojila zaključak kojim sve primaoci sredstava/grantova koje dodjeljuje Komisija, obavezuje da u cilju promocije, koriste i grb općine SG na svojim dresovima, opremi, plakatima i drugim mjestima shodno mogućnosti, tokom takmičenja.</p>
	Odgovor:	<p>Uslovi i način, odnosno procedura odobravanja upotrebe grba i imena Općine Stari Grad Sarajevo propisani su Odlukom o upotrebi grba i imena Općine Stari Grad Sarajevo („Službene novine Kantona Sarajevo“, broj 37/05). Odredbama navedene Odluke propisano je da postupak za odobravanje upotrebe grba i imena Općine vodi služba nadležna za privredu, po zahtjevima stranaka. Uz podnesene zahtjeve stranke su dužne priložiti i odgovarajuću dokumentaciju, na osnovu koje će Općinsko vijeće, a u skladu sa odredbama Odluke, cijeniti da li je u interesu Općine da odobri upotrebu grba i imena Općine po svakom pojedinačnom zahtjevu, kao i ostale uslove vezane za upotrebu istih (rok važnosti rješenja o odobravanju upotrebe, ograničenja u upotrebi, visinu, način plaćanja ili oslobađanje od plaćanja naknade za upotrebu grba i imena Općine itd.). U</p>

	<p>skladu sa odredbama Odluke, odobravanje upotrebe grba i imena Općine vrši se rješenjem, koje se može opozvati ukoliko se utvrdi da lice kojem je isto odobreno, svojom djelatnošću ili na drugi način, šteti ugledu Općine, odnosno da grb ili ime Općine upotrebljava protivno odredbama Odluke.</p> <p>Cijeneći naprijed navedene odredbe Odluke, nije moguće jednim zaključkom, unaprijed, odobriti većem broju, neodređenih lica upotrebu grba i imena Općine, već se isto vrši isključivo na osnovu pojedinačnih zahtjeva, uz poštivanje propisanih procedura.</p> <p>Shodno navedenom, predložena vijećnička inicijativa nije u skladu sa odredbama važeće Odluke o upotrebi grba i imena Općine Stari Grad Sarajevo, kojom je regulisana predmetna oblast.</p>
Odgovor dala:	Služba za privredu

Stručna obrada: Služba za privredu

Sarajevo, 09.09.2022. godine

POMOĆNICA NAČELNIKA



Aldiana Kavazović, dipl. pravnik

VIJEĆNIČKA PITANJA I INICIJATIVE
Postavljene na 17. sjednici Općinskog vijeća Stari Grad Sarajevo

1.	Ime i prezime vijećnika:	Saračević Damir
	Tekst pitanja/inicijative	Pitanje: Da li su sve kladionice, lutrije i kockarnice na području općine SG na propisnoj udaljenosti i vjerskih i školskih objekata?
	Objasnenje pitanja/inicijative:	<p>Kladionice su jedna od najvećih pošasti bh. Poslijeratnog društva i obaveza je svake odgovorne lokalne zajednice da na svaki mogući način, restriktivnim sprovođenjem mjera, u okvirima zakona, obeshrabri poslovanje kako trenutnih tako i novih kladionica na području naše općine.</p> <p>Federacija BiH europski je rekorder po broju kladioničarsko-kockarskih mjesta u odnosu na broj stanovnika: na oko 2,9 miliona stanovnika u 2020. godini, u Federaciji BiH bilo je 2119 uplatnih mjesta, što znači da je po jedna kladionica na svakih, otprilike, 1300 stanovnika, što je najveći broj u Europi, a vjerovatno i u svijetu.</p>
	Odgovor:	<p>Nadzor nad provođenjem odredaba Zakona o igrama na sreću („Službene novine FBiH“, br. 48/15 i 60/15), kojim je utvrđen uslov propisane udaljenosti objekata u kojima se priređuju igre na sreću od vjerskih objekata te osnovnih i srednjih škola, prilikom izdavanja odobrenja za priređivanje igara na sreću, a što je u nadležnosti Federalnog ministarstva finansija, vrši navedeno Ministarstvo i Porezna uprava.</p> <p>Shodno navedenom, Općina Stari Grad Sarajevo ne raspolaže traženom informacijom.</p>
Odgovor dala:	Služba za privredu	

Stručna obrada: Služba za privredu

Sarajevo, 09.09.2022. godine

POMOĆNICA NAČELNIKA

Aldiana Kavazović, dipl. pravnik


Općina Stari Grad Sarajevo
Općinsko vijeće

VIJEĆNIČKO PITANJE/INICIJATIVA
postavljena na 17. redovnoj sjednici Općinskog vijeća Stari Grad Sarajevo

IME I PREZIME VIJEĆNIKA	Damir Saračević
TEKST PITANJA/INICIJATIVE	<p>Upućujem inicijativu da općina iz budžetskih sredstava obezbijedi 5,376 KM za nabavku/izgradnju kokošinjaca na području Zavijezadruga/vakufa Isa bega Ishakovića.</p> <p>Omogućavanje masovnije proizvodnje organskih jaja podržat će, pored prijeko potrebne proizvodnje hrane i samoodrživost samog vaku fa/zadruga u konačnici.</p> <p>Predračun je u prilogu.</p> <p>Hvala</p> <p><i>Molim Vijeće za izjašnjanje</i></p>
OBRAZLOŽENJE PITANJA/INICIJATIVE	<p>Zadruga/vakuf Isa bega Ishakovića već više godina bilježi izuzetan razvoj i napredak u proizvodnji organske hrane. To je posebno bitno danas kada svjedočimo nestašice i velika poskupljenja hrane.</p> <p>Do sada je mnogo uloženo u sadnice voća, oraha, povrća, nabavku kurbana... nedavno su nabavljene i kokoške i izgrađen i propratni objekat. Nažalost, zbog nedostatka sredstava, nisu napravljeni/završeni kokošinjci za nabavljene piliće, pa molim Vijećnike da čim prije obezbijedimo sredstva za ovu namjenu.</p>
ODGOVOR:	<p>Poljoprivredna zadruga "Begova zavija" obratila se Općinskom načelniku Općine Stari Grad Sarajevo, mr. Ibrahimu Hadžibajriću, dana 20.09.2019. godine sa molbom za novčanu pomoć za rekonstrukciju kompletnog postojećeg objekta na zemljištu "Dariva" koji služi uzgoju kurbana i koka nosilja. Nakon razmatranja predmetne molbe, Općinski načelnik Općine Stari Grad Sarajevo odobrio je finansijsku pomoć u iznosu od 20.000,00 (dvadesethiljada) konvertibilnih maraka za navedene svrhe, koji je isplaćen putem Službe za finansije Općine Stari Grad Sarajevo dana 07.02.2020. godine, što predstavlja skoro polovinu novčanih sredstava koja su bila neophodna za rekonstrukciju navedenog objekta, iz čega nadalje nedvojbeno proizilazi da su se već tada obezbijedila sredstva za ovu namjenu koja inicirate predmetnom Vijećničkom inicijativom.</p>
ODGOVOR DALA:	Sekretar organa državne službe

Stručna obrada: Sekretar organa državne službe
Sarajevo, 15.09.2022. godine

SEKRETAR ORGANA DRŽAVNE SLUŽBE


mr. Alma Destanović


Općina Stari Grad Sarajevo
Općinsko vijeće

VIJEĆNIČKO PITANJE/INICIJATIVA
postavljena na 17. redovnoj sjednici Općinskog vijeća Stari Grad Sarajevo

IME I PREZIME VIJEĆNIKA	Damir Saračević
TEKST PITANJA/INICIJATIVE	<p>Općina SG je prije izvjesnog vremena finansirala rekonstrukciju Doma zdravlja SG, čime su umnogome poboljšani uslovi za pacijente, ali i zdravstvene radnike. Jedan segment je ostao nezavršen, a veoma je potreban, posebno u predstojećim ljetnim danima, a to su zavjese/žaluzine/roletne na prozorima u DZ SG čime se olakšava rad i čini boravak ugodnijim.</p> <p>Naime, pored same koristi spriječavanje vrućine unutar objekta, iste su potrebne, po izjavama zdr.radnika našeg DZ, u cilju lakšeg rada, čitanja sa monitora, dijagnostičkih aparata i sl.što je često otežano zbog prevelikog svjetla i nemogućnosti zamračivanja prostorija, shodno potrebi.</p> <p>Određeni broj roletni su nabavili samo uposlenici, ali i dalje nedostaje većina potrebnih.</p> <p>Molim službe da iznađu sredstva i pokrenu proceduru nabavke potrebne opreme čim prije. Hvala</p> <p><i>Tražim izjašnjenje OV SG.</i></p>
OBRAZLOŽENJE PITANJA/INICIJATIVE	
ODGOVOR:	<p>Članom 13. Zakona o zdravstvenoj zaštiti ("Službene novine FBiH", broj: 46/10 i 75/13), koji predstavlja jedan od zakona po kojem su određene nadležnosti Ministarstva zdravstva KS, propisano je, između ostalog, da "Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova - prostora, medicinske i nemedicinske opreme i prijevoznih sredstava, te informatizaciju zdravstvene djelatnosti u skladu sa planom i programom mjera zdravstvene zaštite za područje kantona koji utvrđuje vlada kantona na prijedlog kantonalnog ministra."</p> <p>Shodno navedenoj zakonskoj odredbi, evidentno proizilazi da je nabavka, u konkretnom slučaju nemedicinske opreme-roletni, u nadležnosti Ministarstva zdravstva KS, odnosno da ista izlazi iz okvira utvrđenih nadležnosti Općine Stari Grad Sarajevo kao jedinice lokalne samouprave.</p>
ODGOVOR DALA:	Sekretar organa državne službe

Stručna obrada: Sekretar organa državne službe
Sarajevo, 15.09.2022. godine

SEKRETAR ORGANA DRŽAVNE SLUŽBE


mr. Alma Destanović


Općina Stari Grad Sarajevo
Općinsko vijeće

VIJEĆNIČKO PITANJE/INICIJATIVA
postavljena na 17. redovnoj sjednici Općinskog vijeća Stari Grad Sarajevo

IME I PREZIME VIJEĆNIKA	Damir Saračević
TEKST PITANJA/INICIJATIVE	Pitanje: Da li su prebačena sredstva (10,000 KM) koje je OV SG usvojilo da se dostavi za potrebe obnove makadamskog puta koji se koristi za srebrenički Marš mira? Bilo bi bitno, uoči ovogodišnjeg obilježavanja 11.jula, da se ova dionica puta napravi uslovnom i da općina SG kao i mnogo puta do sada pokaže svoju spremnost za pomoć povratnicima Srebrenice, ali i u obilježavanju Dana sjećanja na srebrenički genocid i Marša mira. Razumijem poteškoće sa budžetskim sredstvima, ali se nadam da ćemo i ovo obećanje dato građanima Srebrenice i okolnih krajeva moći čim prije realizovati.
OBRAZLOŽENJE PITANJA/INICIJATIVE	
ODGOVOR:	Na 11. Redovnoj sjednici Općinskog vijeća Stari Grad, održanoj dana 30.12.2021. godine, nakon razmatranja Inicijative koja se odnosi na molbu iz Općine Srebrenice (Mirsad Cvrk i Elvir Zukić) za asfaltiranje putne komunikacije za naseljena mjesta Brezova njiva, Jaglici i Susnjari – putne dionice za provođenje Marša mira – 11. juli, ista je usvojena Zaključkom broj: 02-45-742/21. Međutim, uzimajući u obzir nedovoljno raspoloživih i doznačenih sredstava u Budžetu Općine Stari Grad Sarajevo za 2022. godinu, te ranije planirane potrebe koje su finansirane budžetskim sredstvima dodijeljenim za tekuću godinu, istovremeno cijeneći obaveze koje predstoje do završetka iste a koje također iziskuju odgovarajuće finansijske rashode, Općina Stari Grad Sarajevo nije u mogućnosti udovoljiti predmetnoj molbi u 2022. godini. S tim u vezi, gore naznačena namjenska sredstva planirat će se u Budžetu Općine Stari Grad Sarajevo za 2023. godinu , nakon čega će se blagovremeno pristupiti realizaciji projekta asfaltiranja navedene dionice.
ODGOVOR DALA:	Sekretar organa državne službe

Stručna obrada: Sekretar organa državne službe
Sarajevo, 16.09.2022. godine

SEKRETAR ORGANA DRŽAVNE SLUŽBE


mr. Alma Destanović

VIJEĆNIČKO PITANJE I INICIJATIVA
Postavljeno na 16. sjednici Općinskog vijeća Stari Grad Sarajevo

	Ime i prezime vijećnika:	Damir Saračević
1.	Tekst pitanja/inicijative	<p>“U skladu sa članom 89. Poslovnika Općinskog vijeća Stari Grad Sarajevo predlažem da Općinsko vijeće usvoji sljedeći zaključak:</p> <p>Sve općinske službe i organi neće zaključivati ugovore, niti obavljati bilo kakve druge pravne poslove iz svoje nadležnosti, sa licima koja su u skladu sa članom 145a. Krivičnog zakona BiH pravosnažno osuđena ili protiv kojih se vodi postupak za krivično djelo odobravanja, negiranja, minimiziranja ili opravdavanja zločina protiv čovječnosti ili svih drugih ratnih zločina utvrđenih pravosnažnom presudom.”</p>
	Obrazloženje pitanja/inicijative:	<p>“Nakon sugestija da inicijativa o onemogućivanju poslovanja na području Općine SG subjektima čiji vlasnici dovode u pitanje integritet države BiH, presuđeni genocide u Srebrenici, vrijeđaju državu, građane i zakone BiH, kao i negiraju genocide, ne sadrži dovoljna pravna tumačenja koja garantuju zakonitost predloženog zaključka i mogućnost implementacije istog i nakog mog povlačenja te inicijative, na daljnju doradu, prijedlog sam dostavio ekspertnom pravnom timu, posebno u svjetlu zakona BiH, koji je dostavio pročišćen, pravno usaglašen i utemeljen prijedlog, koji Vijeću sada i dostavljam na usvajanje.”</p>
	Odgovor:	<p>Uz puno uvažavanje podnesene inicijative, kao načina da se pokuša uticati na svijest svih građana, te da se na određeni način sankcionišu svi koji negiraju zločine i genocid, neophodno je da sve općinske službe u svom radu postupaju u skladu sa važećim zakonskim i podzakonskim aktima, uz puno poštivanje Ustava Bosne i Hercegovine, Ustava Federacije Bosne Hercegovine, te Ustava Kantona Sarajevo, posebno u dijelu ljudskih prava i Sloboda, kao da poštuju Evropsku povelju o ljudskim pravima i slobodama, koju je Bosna i Hercegovina ratificirala.</p> <p>Naime, Ustavom Federacije Bosne i Hercegovine. Između ostalog je utvrđeno da svi građani uživaju:</p> <p>a) pravo na osnivanje i pripadanje političkim partijama; i b) politička prava: da učestvuju u javnim poslovima; da imaju jednak pristup javnim službama; da biraju i da budu birani.</p> <p>Nprijed navedena prava nisu ograničena niti jednim važećim zakonom, Nadalje, bitno je naglasiti da je Odlukom visokog predstavnika, kojom se donosi Zakon o dopuni Krivičnog zakona Bosne i Hercegovine (“Službeni glasnik BiH”, broj 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14,</p>

	22/15, 40/15 i 35/18), utvrđena sankcija u slučaju negiranja genocida, ali u skladu sa utvrđenim postupkom.
Odgovor dala:	SLUŽBA KABINETA OPĆINSKOG NAČELNIKA

Stručna obrada: Služba kabineta Općinskog načelnika

